

**DEWAN RAKYAT MALAYSIA
PERTANYAAN LISAN**

PERTANYAAN : LISAN

DARIPADA : DATO' HASBULLAH BIN OSMAN [GERIK]

TARIKH : ISNIN, 15 JUN 2015

SOALAN:

Dato' Hasbullah bin Osman [Gerik] minta MENTERI SUMBER ASLI DAN ALAM SEKITAR menyatakan:

- (a) baru-baru ini ekoran banjir yang luar biasa telah menyebabkan kemasuhan yang besar. Oleh sebab itu, adakah Kementerian membuat kajian semula untuk membesarkan empangan-empangan yang sedia ada; dan

- (b) adakah Kementerian bercadang membina empangan baru di kawasan berisiko tinggi banjir dan sejauh manakah Kerajaan Negeri dapat membantu bagi mengatasi masalah berkenaan.

JAWAPAN:

Tuan Yang Dipertua, untuk makluman Ahli Yang Berhormat,

- (a) beberapa kajian pelan induk tebatan banjir telah dilaksanakan bagi memastikan beberapa cadangan tebatan banjir yang sesuai bagi menyelesaikan masalah banjir di beberapa buah negeri. Melalui kajian ini, pihak Kementerian dapat memastikan keperluan pembinaan mahupun menaik taraf sesebuah empangan. Sebagai contoh, terdapat dua empangan yang telah dinaik taraf secara ditinggikan paras empangan sedia ada bagi memenuhi fungsi tebatan banjir iaitu Empangan Timah Tasoh dan Empangan Klang Gates. Walau bagaimanapun, pembinaan dan kerja-kerja menaik taraf empangan- empangan ini adalah tertakluk kepada keperluan, ekonomi dan bentuk muka bumi.
- (b) akibat banjir besar yang telah berlaku, Kementerian Sumber Asli dan Alam Sekitar melalui Jabatan Pengairan dan Saliran Malaysia telah mencadangkan beberapa empangan baru perlu dibina. Sebagai contoh, 2 empangan dicadangkan untuk dibina di Negeri Kelantan iaitu Empangan Nenggiri dan Empangan Lebir bagi menyelesaikan masalah banjir yang berlaku di negeri tersebut.

Sekian, terima kasih.